

Malinjak u centru grada

Enes Mušanović povratnik u Kneževo, koji živi u samom gradu, u nedostatku drugih mogućnosti da osigura posao i egzistenciju za svoju porodicu, isključivo se bavi poljoprivredom. Uz svoju farmu u kojoj uzgaja desetak muznih krava, prošle je godine na površini od 2 duluma zasadio malinjak, gdje očekuje dodatne prihode. Dugogodišnji klijent Partner mikrokreditne fondacije koji je u više navrata podignutim kreditima finansirao nabavku grla stoke i poljoprivredne mehanizacije, te proširenje kapaciteta svoje farme, i u ovaj projekat je krenuo uz Partnerovu podršku.

Očekivani prihod od 10 hiljada KM

Mušanović je uzeo kredit u iznosu od 2.500 KM za nabavku sadnica i dodatna sredstva od 1.050 KM za kupovinu sistema za navodnjavanje «kap po kap». Odlučio se za sadnice sorte Miker koja se preporučuju za više predjele, gdje su zime nešto oštrije, kakva je bila i prošlogodišnja. Ovog ljeta je ubrao i prve plodove iz svog malinjaka, a puni prinos očekuje već naredne godine.

«Prema mojim predviđanjima, ja bih ovdje trebao ubrati oko 3 tone maline. S obzirom na ovogodišnju cijenu i siguran otkup, trebao bih imati prihod od blizu 10 hiljada KM, što je sigurno i dvostruko isplativije od proizvodnje mlijeka. To mi puno znači, jer školujem troje djece», kaže Mušanović.

Osim finansijske podrške, Partner MKF osigurava svojim klijentima i stručnu pomoć. Partnerovi agronomi su na raspolaganju voćarima u cijelom procesu proizvodnje, od izbora samog zemljišta za sadnju do povezivanja sa otkupljivačima. Njihovi savjeti su često dragocjeni za proizvođače.

Dragocjeni savjeti agronoma

«U fazi smo pripreme voćnjaka za zimu, a to je u našim krajevima sa nadmorskom visinom od skoro 900 metara veoma važno uraditi. Partnerov agronom mi je dao glavne preporuke kako da malinu zaštitim od mraza i drugih zimskih nevolja, što je za mene ključno u cijelom godišnjem ciklusu», ističe malinar iz Kneževa.

U opštini u kojoj veoma malo stanovnika radi, poljoprivreda se nameće kao jedina mogućnost zarade, pa čak i za one koji poput Mušanovića žive u gradskoj sredini, a raspolažu sopstvenim zemljištem.

Posljednjih godina, iako nema dugu tradiciju, malina je sve zastupljenija u ovom kraju i susjednim srednjobosanskim i krajiškim opštinama. Veliki broj malinjaka podignut je upravo uz podršku Partner mikrokreditne fondacije, čime je pružena mogućnost domaćinstvima i pojedincima koji nemaju pristup komercijalnim izvorima finansiranja, da osiguraju inicijalna sredstva za pokretanje svog biznisa, u ovom slučaju sadnje voćnjaka.



Slika: Enes Mušanović, Kneževo

Značajna podrška Partner MKF

Mušanović dodaje da je Partnerova podrška veoma značajna u svim segmentima, ali da bi se od poljoprivrede moglo pristojno živjeti, država bi morala pratiti uzgajivače u svom dijelu i redovno isplaćivati obećane podsticaje. Na osnovu dosadašnje saradnje sa Partner MKF, on sam planira proširenje proizvodnje i u sektorima voćarstva i mlijeкарства, jer je Partner ponudom kreditnih proizvoda veoma dobro pokrio sve grane poljoprivrede.